

legan. Ekkert lán má veita úr sjóðnum, nema því aðeins, að meiri hluti stjórnarinnar sé lánveitingunni samþykkur.

147

29. nóv.

## 17. gr.

Stjórn sjóðsins ákveður hve háir útlánsvextir skulu vera, þó svo að þeir séu aldrei hærri en í aðalbönkum landsins, nema með leyfi aðalfundar. Vexti af lánum skal ætíð greiða fyrirfram. Séu vextir eða höfuðstóll ekki greiddir á gjalddaga, skal greiða 2% dráttarvexti árlega, auk hinnar umsömdu leigu.

## 18. gr.

Íbúar Árneshrepps skulu ganga fyrir öðrum til að fá lán úr sjóðnum. Að öðru leyti fer um starfsemi, skyldur og réttindi sparisjóðsins, sem lög um sparisjóði mæla fyrir.

Samþykktir þessar staðfestast hér með.

*Viðskiptamálaráðuneytið, 29. nóvember 1944.*

**Pétur Magnússon.**

*Torfi Jóhannsson.*

## SAMÞYKKTIR

fyrir Sparisjóð Kinnunga í Ljósavatnshreppi.

148

29. nóv.

## I. KAFLI

## Ábyrgð og stjórn.

## 1. gr.

Sjóðurinn heitir Sparisjóður Kinnunga. Heimili og varnarþing hans er í Ljósavatnshreppi.

## 2. gr.

Sjóðurinn er tryggður með 3000 kr. — þrjú þúsund krónum — í stofnfé og hljóðar hvert stofnbréf upp á 50 kr. — fimmtíu krónur —. Eigi skulu stofnfjäreigendur vera færri en 25.

## 3. gr.

Við eigendaskipti stofnbréfa, hvort sem er við sölu eða erfð, skal rita á bréfið sjálft, nafn hins nýja eiganda og sömuleiðis í gerðabók sjóðsins. Eignarréttur að bréfunum er því aðeins gildur, að þetta sé gert.

Nú vill einhver selja stofnbréf, eitt eða fleiri, og skal hann þá aðvara stjórn sjóðsins og sér hún um söluna og full skil ándvirðis.

## 4. gr.

Stjórn sjóðsins skipa þrír menn, tveir kjörnir af aðalfundi, úr hópi stofnfjäreigenda, og tveir til vara, og hefur hver stofnfjäreigandi eitt atkvæði án tillits til þess hvort hann á eitt stofnbréf eða fleiri. Einn er kosinn af sýslunefnd Suður-Þingeyjarsýslu, ásamt einum varamanni. Hlutfallskosningu skal viðhafa ef óskað er. Kosningin gildir til eins árs. Stjórnin skiptir með sér verkum þannig, að einn er formaður, annar gjaldkeri og þriðji ritari.

148

29. nóv.

Tilkynna skal sparisjóðseftirlitinu og auglýsa árlega í blaði því, er flytur stjórnarvaldaauglýsingar, hverjir kjörnir eru stjórnendur og starfsmenn sjóðsins, og hverjir undirriti skuldbindingar hans gagnvart viðskiptamönnum.

Stjórnendur sjóðsins ábyrgjast einn fyrir alla og allir fyrir einn að fé hans fari eigi forgörðum fyrir hirðuleysi.

5. gr.

6. gr.

Stjórnendur sjóðsins mega ekki taka eða ábyrgjast lán úr sjóðnum, né reka neina starfsemi, er komið geti í bága við hagsmuni hans.

7. gr.

Stjórnendur annast að jafnaði rekstur sjóðsins, þó mega þeir ráða aðra starfsmenn, ef þörf krefur.

Bókhald sjóðsins skal vera samkvæmt gildandi lögum um sparisjóði.

8. gr.

Hafi gjaldkeri sjóðsins þóknun fyrir starf sitt, er nemi 600 kr. á ári eða meira, skal hann setja tryggingu fyrir fé því, sem honum er trúað fyrir.

Sparisjóðseftirlitið ákveður fjárhæð tryggingarinnar, að fengum tillögum sparisjóðsstjórnar.

9. gr.

Aðalfund skal halda árlega, eigi síðar en í febrúarlok. Skulu þar lagðir fram til samþykktar endurskoðaðir reikningar sjóðsins og kosnir tveir menn í stjórn og tveir til vara.

Aðalfundur er lögmaður, ef helmingur stofnfjáreigenda er mættur. Afl atkvæða ræður úrslitum. Þó má eigi breyta lögum sjóðsins nema  $\frac{3}{4}$  hlutar fundarmanna, á lögmaðum fundi, samþykki. Mæti eigi helmingur stofnfjáreigenda skal boðað til fundar að nýju og er hann þá lögmaður hversu fáir sem mæta.

## II. KAFLI

### Innlög, útborganir og vaxtakjör.

10. gr.

- a. Innlög eru tekin í sjóðinn í gjaldgengum peningum og eigi minna en ein króna í senn. Minni upphæð en tíu krónur ber ekki vexti. Vextir teljast frá fyrsta degi næsta mánaðar eftir að lagt er í sjóðinn.
- b. Sem viðurkenningu fyrir innlögum fær viðskiptamaður sparisjóðsbók með sömu yfirskrift og númeri og er á viðskiptareikningi hans í innlánsbók sjóðsins. Sé í henni útdráttur úr lögum sjóðsins. Viðskiptamaður greiði andvirði hókarinnar við móttöku.
- c. Ef sérstakar ástæður eru fyrir hendi má neita viðtöku á fé í sjóðinn eða gera að skilyrði, að það standi óhreyft að minnsta kosti eitt ár.
- d. Sparisjóðurinn getur einstað einstökum viðskiptamönnum um að hafa hærri innstæðu en kr. 5000.00 — fimm þúsund krónur —.
- e. Starfsmenn sjóðsins eru bundnir þagnarheiti um skipti einstaklinga við hann.

11. gr.

Stjórn sparisjóðsins ákveður vexti á hverjum tíma, í samræmi við ákvæði gildandi laga. Vextir reiknast af mánuði þritugnættum.

Sjóðnum er ekki skylt að greiða vexti af þúsund krónum, eða meira fé, ef það stendur þar ekki lengur en tvo mánuði.

## 12. gr.

Innstæðum í sjóðnum, allt að 400 krónum, má segja upp með mánaðar fresti. 500—1000 kr. með tveggja mánaða fresti, en stærri upphæðum með sex mánaða fyrirvara.

148

29. nóv.

## 13. gr.

Aldrei mé greiða neina upphæð af innstæðufé, nema því aðeins að viðskiptabók sé sýnd, og upphæðin í hana skráð.

Það er eigi á ábyrgð sparisjóðsins þótt handhafi viðskiptabókar hafi eigi löglega heimild eiganda til þess að fá útborgað fé úr henni.

Þegar innlögum í sjóðinn er veitt móttaka, án þess að viðskiptabók sé sýnd, skal gefa sérstaka kvittun fyrir innlögum, og gildir hún þar til viðskiptabók er lögð fram, enda færast upphæðin í hana, og afhendist þá kvittunin gjaldkera.

## 14. gr.

Greiðist innstæða að fullu, skal viðskiptabók skilað án endurgjalds og merkt ógild og þess getið í bókum sparisjóðsins.

Glatist viðskiptabók, verður með hana farið svo sem lög mæla fyrir.

## 15. gr.

Ef eigandi innstæðufjár, eða erfingjar hans, vitja eigi innstæðu sinnar í 15 ár, til að taka við vöxtum eða segja upp höfuðstól, og eigi heldur innan 6 mánaða eftir áskorun í blaði því, er flytur stjórnarvaldaauglýsingar, er öll innstæðan, ásamt vöxtum, orðin eign sparisjóðsins.

## 16. gr.

Sparisjóðurinn getur sagt lausu innstæðufé með þriggja mánaða fresti, en auglýsa skal það á lögmatan hátt.

## 17. gr.

Hreinan ársarð sparisjóðsins skal leggja í varasjóð. Borga má úr varasjóði tjón, er sparisjóðurinn verður fyrir og ársarður hrekkur eigi til að greiða, en annað eigi, nema því aðeins að varasjóður nemi að minnsta kosti 10% af innstæðufé sam- anlögðu. Þegar svo er komið, getur stjórnarráðið samþykkt, eftir tillögu sparisjóðs- stjórnar, að verja megi fé úr varasjóði til nýtsamra fyrirtækja í almenningsparfir í Ljósavatnshreppi.

## 18. gr.

Varasjóður skal vera í tryggum og auðseldum verðbréfum, eða innstæðu í islenskum bönkum með ríkisábyrgð. Þó er eigi skylt að koma meiru af varasjóði svo fyrir en nemi 5% af innstæðufé í árslok næst á undan. Nú er sparisjóðurinn neyddur til að gripa fé þetta til óvæntra útborgana, og skal hann þá, svo fljótt sem verða má, koma því í samt lag aftur.

## III. KAFLI

## Um útlán.

## 19. gr.

Eignir sjóðsins skal ávaxta:

- a. með því að kaupa ríkisskuldabréf eða önnur verðbréf jafngild;
- b. með því að lána fé gegn fasteignaveði, þó eigi yfir  $\frac{3}{5}$  af virðingarverði því, er lögskipaðir virðingarmenn meta, og gegn sjálfskuldarábyrgð einstakra manna eða félaga;

- 148 c. með því að kaupa víxla, er sparisjóðsstjórnin álitur tryggja;  
 29. nóv. d. á hvern annan hátt, er stjórn sjóðsins telur heppilegan.

## 20. gr.

Sparisjóðurinn áskilur sér forvexti af útlánnum. Vextir skulu ávallt greiddir á gjalddaga, en bregðist það, greiði skuldunautur 2% árlega í dráttarvexti, um þann tíma, sem borgun hefur dregizt.

## IV. KAFLI

## Um reikninga.

## 21. gr.

Reikningsár sparisjóðsins er almanaksárið. Skytt er sparisjóðnum að færa reikninga sína eftir því formi, er fyrirmyndir stjórnarráðsins sýna, og skulu þeir þannig gerðir, að glögggt yfirlit fáiast um starfsemi sjóðsins á liðna árinu og eignir og skuldir í árslok.

## V. KAFLI

## Um endurskoðun o. fl.

## 22. gr.

Sýslunefnd Suður-Þingeyjarsýslu skal kjósa tvo endurskoðendur til að rannsaka reikninga sjóðsins og bókfærslu alla, og tvo til vara. Val endurskoðenda skal tilkynna sparisjóðseftirlitinu.

## 23. gr.

Endurskoðendum er skytt að hafa öruggt eftirlit með öllum rekstri sparisjóðsins og bókfærslu hans. Enda eiga þeir jafnan frjálsan aðgang að bókum hans, skjölum og verðbréfum. Heimilt er þeim að rannsaka sjóðforða hvenær sem er og bera saman við bækurnar. Ársreikning skulu þeir endurskoða og skila honum með árituðum vottorðum fyrir aðalfund, til endanlegs úrskurðar. Skal reikningurinn síðan sendur því ráðuneyti, sem með bankamál fer.

## 24. gr.

Verði ágreiningur milli endurskoðenda og stjórnenda um rekstur sparisjóðsins eða bókfærslu hans, skal leggja málið fyrir sparisjóðseftirlitið til úrskurðar.

## 25. gr.

Leggist sparisjóðurinn niður, skal varasjóður hans og aðrar skuldlausar eignir verða eign Ljósavatnshrepps. Skulu stofnfjäreigendur sjóðsins hafa rétt til að ráðstafa fé því nánar, með samþykki stjórnarráðsins.

Samþykktir þessar staðfestast hér með.

*Viðskiptamálaráðuneytið, 29. nóvember 1944.*

**Pétur Magnússon.**

*Torfi Jóhannsson.*